



tešanjski biLTen

Interno informativno glasilo

Godina XVIII
decembar/prosinac 2013.
Broj 59



U ovom broju:

➔ BUDŽET ZA 2014. GODINU

➔ POSLOVNA ZONA VILA

➔ POSJETE TEŠNJU

➔ UREĐENJE FASADA

➔ OTVOREN URED U ŠIJAMA

➔ DVA MILIONA PET BOCA

➔ DANI GRADA 2013



OPĆINA TEŠANJ

Trg Alije Izetbegovića 11

www.opcina-tesanj.ba

e-mail: optesanj@bih.net.ba



RADNA POSJETA SJEDINJENIM AMERIČKIM DRŽAVAMA

Općinski načelnik Suad Huskić boravio je u radnoj posjeti SAD-a kao gost Vlade SAD -a. Posjeta je organizirana u okviru programa IVLP (Međunarodni program razmjene posjetilaca lidera) u organizaciji Stejt departmenta i Ambasade SAD-a u BiH.



Tokom boravka organizirano je preko 20 sastanaka sa državnim, regionalnim i općinskim predstavnicima, javnim preduzećima i nevladinim organizacijama u više gradova (Vašington, Arlington, Aleksandrija, Sinsinati, Manchester...).

Tema studijskog boravka bila je Lokalna samouprava i njen ekonomski razvoja, a obuhvatala je funkcionisanje i finasiranje lokalnih nivoa vlasti u SAD-u, kao i način pružanja javnih usluga u gradovima, te oblici saradnje javnog i privatnog sektora kroz modele javnog-privatnog partnerstva.

NOVE POBOLJŠANE USLUGE

Početkom oktobra, u Sali Općinskog vijeća Tešanj promovisane su nove usluge koje Općina Tešanj nudi građanima - novi izgled web stranice, uvođenju android aplikacije, facebook stranica, kao i poboljšane usluge Call centra. Prezantaciji su prisustvovali predsjedavajući Općinskog vijeća, predsjednici klubova stranaka u Općinskom vijeću, direktori javnih ustanova i preduzeća, predstavnici firme Leftor iz Tuzle koja je radila ova rješenja, kao i mediji.

U svom obraćanju, Općinski načelnik Suad Huskić je istakao da je ovo nadogradnja svega onoga što se radi posljednjih godina otkako se krenulo sa uvođenjem elektronske uprave i to je ono što Općinu Tešanj čini posebnijom u odnosu na druge općine.

Uvođenjem android aplikacije, Općina Tešanj je omogućila svim korisnicima da čim uoče neki problem koji žele prijaviti na Call centar, to urade odmah, bez čekanja. Dovoljno je pokrenuti aplikaciju i otvoriti Call centar - upisati osnovne podatke, jednostavnim pritiskom na tipku uzeti GPS podatke o tačnoj lokaciji i uslikati fotografiju. Prijava se šalje internetom u bazu podataka koju naš obrađivač odmah dobija i šalje povratni odgovor najkasnije u roku od 72 sata. Prijavu je moguće odraditi i potpuno anonimno, a usluga je besplatna.



Izdaje: **OPĆINA TEŠANJ**

Redakcija:

Edina Kadušić, Ferid Mustafić, Samir Brka,
Kanita Gredelj i Bahrudin Noćić.

Glavni i odgovorni urednik:

Edina Kadušić

Adresa Redakcije:

Općina Tešanj, Trg Alije Izetbegovića 11
74260 Tešanj

Telefoni: 032 650-341 i 032/650-022 (lokal 107)

Fax: 032/650-220

E-mail: press@opcina-tesanj.ba

Tiraž: 2.000

Štampa:



BUDŽET OPĆINE TEŠANJ ZA 2014. GODINU



* Nakon provedene javne rasprave u kojoj je učešće uzelo 37 lica, sa iznesenom 21 primjedbom, izvršena je izrada prijedloga Budžeta koji je pretrpio značajne izmjene u odnosu na Nacrt. Na 14. sjednici Općinskog vijeća Tešanj održanoj 30. 12. 2013. godine Budžet Općine Tešanj za 2014. godinu je usvojen.

* Usvojeni Budžet iznosi 12.299.000 KM, što je više od Budžeta za 2013. godinu za 1.534.000 KM. Planirana uvećanja nisu bazirana na rastu poreznih i neporeznih prihoda. Ona su rezultat načelno odobrenih donacija i grantova. Prije svega, planirana je donacija Vlade Japana za deminiranje na području Općine od 740.000,00 KM, zatim sredstva vodnih naknada od 450.000,00 KM za projekte vodosnabdijevanja na teritoriji Općine, kao i povlačenje prvog dijela sredstava odobrenog kreditnog zaduženja od 300.000,00 KM.

* Zbog gore navedenog struktura prihoda i primitaka općinskog budžeta je izmijenjena u značajnoj mjeri u odnosu na 2013. godinu. Visina i struktura prihodovne strane Budžeta je iskazana u slijedećem tabelarnom pregledu:

Redni broj	Grupa prihoda i primitaka	Bužet za 2013. godinu	Procent 4/suma	Budžet za 2014. godinu	Procent 6/suma
1	2	3	4	5	6
1.	Direktni porezi	1.569.000,00	14,58%	1.566.000,00	12,73%
2.	Indirektni porezi	4.380.000,00	40,69%	4.210.000,00	34,23%
3.	Neporezni prihodi	2.483.000,00	23,07%	2.420.000,00	19,68%
4.	Tekući grantovi	815.000,00	7,57%	1.520.000,00	12,36%
5.	Kapitalni grantovi i primici	668.000,00	6,21%	1.353.000,00	11,00%
6.	Prenesena sredstva	850.000,00	7,90%	930.000,00	7,56%
7.	Kreditna sredstva	0,00	7,90%	300.000,00	2,44%
	SVEGA PRIHODI I PRIMICI	10.765.000,00	100,00%	12.299.000,00	100,00%

* Također, došlo je do značajnije izmjene visine i strukture rashodovne strane Budžeta, koja je iskazana u slijedećem tabelarnom pregledu:

Redni broj	Grupa rashoda i izdataka	Plan za 2013. godinu	Procent 4/suma	Budžet za 2014. godinu	Procent 6/suma
1	2	3	4	5	6
1.	Sredstva za plate i naknade	2.288.000,00	21,25%	2.285.000,00	18,58%
2.a	Direktni materijalni rashodi Organa uprave	800.000,00	7,43%	805.800,00	6,55%
2.b	Ostale usluge za općedruštvene potrebe	1.406.000,00	13,06%	2.073.000,00	16,85%
3.	Tekući grantovi, kamate i sredstva rezervi	3.512.000,00	32,62%	3.468.200,00	28,20%
4.	Kapitalni grantovi (transferi) i izdaci	2.492.000,00	23,15%	3.389.000,00	27,56%
5.	Povrat sredstava finansiranja	267.000,00	2,48%	278.000,00	2,26%
	SVEGA RASHODI I IZDACI	10.765.000,00	100,00%	12.299.000,00	100,00%

* U okviru ovog Budžeta planirano je zadržavanje sredstava za funkcionisanje Organa uprave na približno istom nivou prethodne godine.

S druge strane, uvećana su sredstva za općedruštvene potrebe, kao i kapitalna ulaganja zbog uvećanja navedenih namjenskih sredstava, što je uobičajeno prilikom uvećanja sredstava grantova i donacija.

* Najveći dio budžeta od 28,20% je ponovo planiran za grantove koji, između ostalog, obuhvataju socijalne izdvajanja (1.315.400 KM), stipendiranje (440.000 KM), poticaje za poljoprivredu i zanatstvo-obrt (350.000 KM), sportske klubove (237.000 KM), udruženja građana (121.800 KM). Pored toga, obezbjeđena su sredstva za rad mjesnih zajednica, projekte organizacija u oblasti kulture i obrazovanja, projekte mladih i niz drugih aktivnosti.

* Najveći rast sredstava je planiran u okviru kapitalnog dijela koji sada čini 27,56% Budžeta. Kapitalna ulaganja, između ostalog, obuhvataju vodosnabdijevanje (550.000 KM), regulaciju otpadnih voda (400.000 KM), opremanje Civilne zaštite (554.000 KM), uređenje industrijskih zona (300.000 KM), kapitalna ulaganja po mjesnim zajednicama i projekte općeg značaja (470.000 KM) i niz drugih aktivnosti.

POSJETE OPĆINI TEŠANJ

OPĆINA ILIDŽA

Delegacija Općine Ilidža u sastavu: Općinski načelnik Senaid Memić, predsjedavajuća Vijeća Smiljana Viteškić, zamjenik predsjedavajućeg Muhamed Omerović, pravobranilac Vahida Kovačević, pomoćnici Općinskog

načelnika: Azra Stambolić, Sejda Topalović, Mirsad Čaušević, Dženana Čenanović, Aida Lušničkić, Sabina Viteškić i savjetnik Haris Gudić posjetili su Općinu Tešanj.

Domaćin posjete je bio Općinski načelnik Suad Huskić sa saradnicima. Ovim povodom, Općinski načelnik je kroz prezentaciju gostima predstavio

Općinu Tešanj, trenutne aktivnosti i planove za naredni period.

Danas smo vidjeli na koji način radi Općina Tešanj. Nadam se da ćemo dobra iskustva koja smo čuli i vidjeli primjeniti i u našoj Općini, kazao je Načelnik Ilidže Senaid Memić.

Nadam se, da će se kroz naše današnje upoznavanje sa administracijom Općine Ilidža i razmjenu iskustava, uspostaviti i privredna saradnja, kao i saradnja na nekim drugim poljima, istakao je Općinski načelnik Suad Huskić.

Nakon sastanka u Općini Tešanj, delegacije su obišle firme na području općine Tešanj *Coala paintings, Inox Ajanović i B&M.* Današnja posjeta je iskorištena i za obilazak *Eminagića konaka.*

OPŠTINA TRNOVO

Načelnik opštine Trnovo (RS) Nenad Mišović posjetio je općinu Tešanj i sastao se sa Općinskim načelnikom Suadom Huskićem.

Povod sastanka je bilo upoznavanje i razmjena iskustava. Općinski načelnik Suad Huskić predstavio je organizaciju općinske Uprave, iskustva u razvoju poslovnog ambijenta, te konkretne primjere podrške razvoju biznisa.

Dogovorena je saradnja u narednom periodu.

OPĆINA VAREŠ

U organizaciji kancelarije OSCE-a Zenica, predstavnici Općine Vareš boravili su u Tešnju. Povod posjete je bila prezentacija načina realizacije Strategije razvoja Općine Tešanj (godišnji planovi, realizacija, izvještavanje...).

Na samom početku, goste je pozdravio Općinski načelnik Suad Huskić, te im zaželio uspjeh u radu. Sastanku su prisustvovali pomoćnici načelnika općina Tešanj i Vareš, te predstavnici OSCE-a.



OPĆINA VITEZ

Načelnik općine Vitez Advan Akeljić i predsjedavajući Općinskog vijeća Vitez Tomislav Bošnjak Matić sa saradnicima posjetili su općinu Tešanj i sastali se sa Općinskim načelnikom Suadom Huskićem.

Tokom sastanka razmjenjena su iskustva kada je u pitanju privreda, prije svega poslovne zone i privlačenje investitora. Također, ovom prilikom razgovarano je i o dobrim praksama u općinama Vitez i Tešanj.

S obzirom da su općine Vitez i Tešanj slične kada je u pitanju privredni razvoj, vjerujem da ćemo u narednom periodu veoma uspješno sarađivati, kazao je Općinski načelnik Suad Huskić.



OTVOREN URED OPĆINE TEŠANJ U ŠIJAMA

Općinsko vijeće Tešanj na 41. sjednici, održanoj 05. jula 2012. godine donijelo je Odluku o osnivanju mjesnih ureda Općine Tešanj u Kaloševiću i Šijama. Nakon što je ured u Kaloševiću otvoren u oktobru prošle godine, stvoreni su tehnički uslovi i za početak rada Mjesnog ureda u Šijama, koji je danas počeo sa radom.

Mjesni ured u Šijama će raditi dva dana u sedmici i to ponedjeljak i četvrtak od 12,00 do 16,00 sati.

Mjesni ured će pružati sljedeće vrste usluga:

- Izdavanje izvoda i uvjerenja iz matičnih knjiga,
- Prijem zahtjeva,
- Ovjeru dokumenata,
- Izdavanje kućnih lista,
- Pružanje usluga iz katastarskog operata



NAJUSPJEŠNIJI POLJOPRIVREDNI PROIZVOĐAČI

Krajem novembra u općinskom uredu Tešanjka, nakon provedene procedure izbora najuspješnijeg poljoprivrednog proizvođača na području općine Tešanj, upriličena dodjela nagrada i zahvalnica najboljima u tri kategorije: najbolja farma, voćnjak i vrt. Nagrade su u ime Općine Tešanj uručili pomoćnik Općinskog načelnika Hamzalija Hojkurić i službenik za poljoprivredu Tamara Turkić.

Kategorija Najbolja farma:

1. Mina Kadrić - Kalošević
2. Mešan Mervanović - Mrkotić
3. Mesud Hadžić - Novo Selo

Kategorija Najbolji voćnjak:

1. Edib Balić - Šije
2. Sabira Brka - Vukovo
3. Amir Hasanić - Šije

Kategorija Najbolji vrt:

1. Džemal Ramić - Ljetinić
2. Raif Balić - Šije
3. Ibrahim Agić - Rosulje



RASKRSNICA JELAH

Ugovoreni radovi na rekonstrukciji raskrsnice u Jelahu su privedeni kraju. Završen je ugovoreni građevinski dio, izgrađen je priključak na magistralnu cestu M4 sa regionalne ceste R474 i djelomična rekonstrukcija postojeće raskrsnice. Vrijednost ovog Ugovora je 302.941,97 KM, a izvođač radova je bila firma GTPD Porobić d.o.o. Zvidovići.

Realizovan je i drugi Ugovor za semaforizaciju dvije raskrsnice cesta M4 i R474 u Jelahu. Vrijednost ovog Ugovora je 111.329,13 KM, a izvođač radova je bila firma STEP d.o.o. Sarajevo.

Predstavnici Federalne i Kantonalne direkcije za ceste, sa predstavnicima Općine Tešanj, izvođača radova i nadzornog organa, u četvrtak, 7. novembra su izvršili prijem građevinskih radova na raskrsnici Jelah. Isti dan je izvršeno i puštanje semafora u probni rad.

Okončanjem radova povećana je sigurnost svih učesnika u saobraćaju, naročito pješaka.

Podsjećamo još jednom sve učesnike u saobraćaju na novi režim saobraćaja, te apelujemo na poštivanje saobraćajnih znakova kako bi se obezbjedila sigurnost svih učesnika.



POSLOVNA ZONA BUKVA - TEŠANJ




OPĆINA TEŠANJ



OSNOVNI PODACI

Mjesto	Bukva, općina Tešanj
Kontakt	Općina Tešanj, Općinski načelnik Suad Huskić Trg Alije Izetbegovića 11. 74260 Tešanj tel/fax 032 650 022, 032 650 416 e-mail: suad.huskic@opcina-tesanj.ba TRA - Agencija za razvoj općine Tešanj, Trg Alije Izetbegovića 11. 74260 Tešanj tel/fax 032 650 608, 032 650 390 e-mail: tra@opcina-tesanj.ba
Površina	45 ha
Udaljenost od koridora	2,5 km
Najbliža željeznička stanica	15 km, Doboj
Najbliži aerodrom	Tuzla 80 km, Sarajevo 160 km
Infrastruktura	Putna i komunalna infrastruktura izgrađena
Ciljani sektori	- metaloprerađivački i sektor proizvodnje auto dijelova - tekstilni i sektor prerade kože - drvnoprerađivački - prehrambeni - hemijski - sektor izrade ambalaže - trgovinski - građevinski
Ciljani investitori	Domaći i strani



lokalitet "Vila"
zemljište regulacionim planom
određeno kao građevinsko
općina upravlja i raspolaže
građevinskim zemljištem u državnim
posedi
može dodijeliti neizgrađeno zemljište
radi izgradnje

DOĐITE U TEŠANJ
BUDITE I VI USPJEŠNI

U cilju podsticaja i privlačenja domaćih i stranih investicija Općina Tešanj oslobađa investicije u poslovnoj zoni Bukva od svih općinskih taksi i naknada i dodjeljuje općinsko zemljište u površini od oko 9,5 ha besplatno investitorima koji će:

- početi sa poslovanjem na konkretnoj lokaciji u roku od dvije godine od dana dobijanja potrebnih odobrenja za građenje i poslovanje;
- zaposliti minimalno 30 radnika u prvoj godini poslovanja i zadržati ovaj broj minimalno narednih 20 godina;
- poslovati minimalno 20 godina od početka poslovanja na istoj lokaciji;

Općina Tešanj oslobađa investitore na zemljištu u privatnom vlasništvu od svih općinskih taksi koji će:

- početi sa poslovanjem na konkretnoj lokaciji u roku od dvije godine od dana dobijanja potrebnih odobrenja za građenje i poslovanje;
- zaposliti minimalno 15 radnika u prvoj godini poslovanja i zadržati ovaj broj minimalno narednih 20 godina;
- poslovati minimalno 10 godina od početka poslovanja na istoj lokaciji;

Zainteresovani investitori mogu prilikom prijave predložiti svoje uslove koje mogu ispuniti.

MISIJA

Kreiranje uslova i poslovne infrastrukture u svrhu poboljšanja konkurentnosti poslovnog ambijenta općine Tešanj.

VIZIJA

Tešanj-sredina održivog ekonomskog razvoja i prepoznatljivog ambijenta za direktne domaće i strane investicije

Znanje i kompetencija radne snage uz povlastice pri investiranju, predstavlja najveću snagu i konkurentsku prednost prostora općine Tešanj i poslovne zone Bukva nad konkurentima u okruženju. Naime, "Preduzetnici i radnici sa prostora općine Tešanj su pravovremeno modernizovali vlastiti misaoni okvir percepcije biznisa i kulturu vlastitog rada kako bi ista odgovarala zahtjevima vremena burnih promjena na svjetskom tržištu".



DVA MILIONA PET BOCA

U prostorijama OŠ Rešad Kadić Krndija upriličeno zvanično i simbolično odlaganje dvjemilionite PET boce sakupljene na području općine Tešanj prvenstveno zahvaljujući učenicima, roditeljima, uposlenicima škola i građanima općine Tešanj.

Ovoj ceremoniji su prisustvovali Općinski načelnik, direktori i predstavnici osnovnih škola sa područja općina Tešanj i Doboj Jug, predstavnici RAD-a, Udruženja EKO-MLADI, koordinator na projektu PET i mediji.

Ponosan sam da je od 2009. godine do danas skupljeno dva miliona PET boca, što pokazuje kakav je odnos mladih kada je u pitanju životna okolina. Vjerujem da ćemo nastaviti sa ovim projektom uz nove ciljeve, kazao je Općinski načelnik Suad Huskić.

Br.	Naziv Škole	kg	PET boca
1	"Rešad Kadić"	16.960	339.200
2	"Džemal Bijedić"	11.954	239.080
3	"Mustafa Mulić"	11.719	234.380
4	"Kulin Ban"	11.669	233.380
5	"Huso Hodžić"	10.865	217.300
6	"Gazi Ferhad beg"	10.208	204.160
7	"1. Mart"	9.285	185.700
8	"9. Septembar"	8.360	167.200
9	"Abdulah Ilhamija"	5.386	107.720
		96.406	1.928.120

1	Gim. "Musa Čazim Čatić"	1.553	31060
2	Srednja Tehnička Škola	1.416	28320
3	Srednja Mješovita Škola	606	12120
		3.575	71500

99.981	1.999.620
--------	-----------



OMLADINSKA BANKA

Predstavnice Fondacije Mozaik i članovi kreditnog odbora Omladinske banke Tešanj u Sali Općinskog vijeća uručili su zahvalnice za realizovane projekte u okviru Omladinske banke koja u Tešnju djeluje od 2008. godine. Zlatne, srebrne i bronzane zahvalnice dobili su članovi odbora Omladinske banke Tešanj, kao i donatori koji su pomogli novčanim sredstvima pri realizaciji projekata.



Omladinska banka Tešanj u 2013. godini je podržala 10 projekata mladih u općini Tešanj. Ovi projekti su realizovani u periodu od juna do septembra mjeseca na teritoriji općine Tešanj.

Ukupna vrijednost realizovanih projekata iznosi 39.612,94 KM, od čega iz fonda Omladinske banke Tešanj je obezbijedeno 18.669,94 KM, a neformalne grupe mladih su obezbijedile ukupno 20.943 KM kroz mobilizaciju lokalnih resursa od 6 institucija, 3 organizacije, 10 preduzeća i 17 građana.

U realizaciji ovih projekata je učestvovalo ukupno 142 volontera koji su doprinijeli sa 3 594 volonterskih sati, a ukupan broj korisnika ovih projekata je 1 705.

Program Omladinske banke BiH ima za cilj da poveća učešće mladih u razvoju lokalnih zajednica kroz aktivnu ulogu u procesima donošenja odluka, te pružanje podrške aktivnostima mladih u njihovim zajednicama kroz dodjelu bespovratnih novčanih sredstava projektima neformalnih grupa mladih.

VATROGASNO VOZILA

Tokom mjeseca oktobra, općina Tešanj je putem javne nabavke nabavila manje navalno vatrogasno vozilo za potrebe Profesionalne vatrogasne jedinice. Vozilo je namijenjeno za gašenje početnih požara u nepristupačnim gradskim područjima, kao i za gašenje manjih šumskih i drugih vrsta požara. Vrijednost vozila je 125.000 KM, a sredstva su obezbjeđena iz naknade za vatrogastvo. Na ovaj način Općina Tešanj je nivo sigurnosti građana od požara podigla na veći nivo.



PREVENTIVNE MJERE ZAŠTITE OD POPLAVA

U skladu sa planiranim aktivnostima u toku mjeseca novembra završeno je čišćenje korita rijeke Tešanjke pored Osnovne škole 9. septembar u MZ Medakovo. Čišćenje navedene dionice imalo je za cilj stvaranje uslova za adekvatniju zaštitu objekata škole od plavljenja. Izvođač radova je bilo preduzeće *Trans-Kop d.o.o.* Tešanj. Ovom aktivnošću zaokružena je realizacija planiranih preventivne mjere zaštite od poplava u 2013. godini.



IMENOVANJE POVJERENIKA



Krajem mjeseca novembra, Općinski načelnik Suad Huskić izvršio je uručenje Rješenja o imenovanju povjerenika civilne zaštite za područje općine Tešanj. Ova aktivnost je uslijedila nakon niza drugih aktivnosti u koje su bile uključene mjesne zajednice, koje su po zahtjevu Službe civilne zaštite predložile po pet povjerenika. Nakon provedenih procedura u saradnji sa mjesnim zajednicama Služba civilne zaštite je predložila Općinskom načelniku imenovanje povjerenika. U 25 mjesnih zajednica imenovano je 125 povjerenika, čime su uključeni u organizovane snage civilne zaštite i čine bitnu kariku u provođenju mjera zaštite i spašavanja na relaciji Općinski štab civilne zaštite i građani.



MONITORING ZAGAĐENOSTI ZRAKA

Početak novembra od strane *Metalurškog instituta Kemal Kapetanović Zenica*, a na zahtjev Općine Tešanj, u krugu preduzeća Rad u gradu, je bila postavljena mobilna stanica za mjerenje zagađenosti zraka.

Instaliranje ove mobilne stanice predstavlja treći krug mjerenja zagađenosti zraka na području općine Tešanj i planiran je u jesenjem periodu.

Tokom jednomjesečnog mjerenja vršeno je očitavanje koncentracije polutanata zajedno sa meteorološkim podacima. Navedene aktivnosti se provode u okviru ciljeva Strategije za dostizanje vizije -*Tešanj, sredina ekološke svijesti, čistoće i reda.*



UREĐENE FASADE U TEŠNJU

Općinska administracija i građani su i 2013. godine zajedno radili na provođenju Programa uređenja fasada u Tešnju, a u cilju postizanja ljepšeg izgleda grada.

U skladu sa ovim Programom, ovih dana je završeno uređenje ulice Kralja Tvrtka, na samom ulazu u Tešanj.

Inače, ovo je druga godina realizacije Programa i novi izgled su dobili i Trg Gazi Ferhad-bega i Alije Izetbegovića, te Titova ulica u Tešnju.





POSJETA FIRMAMA INOX AJANOVIĆ I SSAM PLAST

Općinski načelnik Suad Huskić sa saradnicima tokom novembra posjetio je dvije firme sa područja općine Tešanj – INOX Ajanović i SSAM plast.

Tokom posjete ovim firmama, Načelnik je u društvu vlasnika firmi, INOX Ajanović (Dženan Ajanović) i SSAM plast (Semir Kantić) imao priliku vidjeti nove objekte koje su u fazi izgradnje.

Također, tokom posjete firmama, osim trenutnih aktivnosti na kojima rade, razgovarano je i o budućim investicijama.

Drago mi je da sam imao priliku danas posjetiti dvije firme koje imaju jako dobre razvojne planove, jer ovakve firme garantuju ekonomsku stabilnost općine Tešanj, kazao je Općinski načelnik Suad Huskić.

DETALJNIJE O OVIM FIRMAMA MOŽETE POGLEDATI NA:

www.inox.ba

www.ssamplast.com



ODLIKOVANJA SAVEZA IZVIĐAČA FBIH



U povodu dana izviđaštva i Dana državnosti, 30. novembra 2013. godine u Sarajevu (Ilidža) održana je svečana akademija saveza izviđača FBIH na kojoj su dodijeljena odlikovanja, priznanja i plakete za najuspješnije pojedince. Plaketa je dodijeljena Suadu Huskiću, načelniku općine Tešanj kao poseban doprinos u razvoju izviđaštva u BiH.

Također, dodijeljena su i najveća odlikovanja za izviđače Tešnja, i to:
Zlatni javorov list sa zracima Saveza izviđača Federacije Bosne i Hercegovine: Muminović Mehmed, Nakić Almedin, Rušić Almir - posthumno, Roša Senad, Samir Hasan i Katavić Željko.
Srebrni javorov list sa zracima Saveza izviđača Federacije Bosne i Hercegovine: Bašić Fehro.

UGOVORI ZA VODOVOD I KANALIZACIJU

Nakon provedene procedure javne nabavke i izbora najpovoljnijeg ponuđača, Općinski načelnik Suad Huskić sa izvođačima radova potpisao je tri ugovora u vezi izgradnje vodovoda i kanalizacije na području općine Tešanj. Radi se o ugovorima za:

1. Ugovor za izradu glavnog izvedbenog projekta primarnih kolektora sistema prikupljanja i odvodnje otpadnih voda na području općine Tešanj. Projektant je IPSA Institut Sarajevo. Vrijednost Ugovora je 57.985,20 KM.
2. Ugovor za izgradnju kanalizacije Šije VII faza. Izvođač radova je Konzorcij AB trans d.o.o. Tešanj i Rial šped d.o.o. Doboj Istok. Vrijednost radova je 19.788,80 KM.
3. Ugovor za izgradnju vodovoda Tepe Hrvatinovići, rezervoar R2. Izvođač radova je Konzorcij Kebex d.o.o. Doboj Jug i Špic d.o.o. Zenica. Vrijednost radova je 47.026,59 KM.

Rok za završetak radova je 30 dana i 180 dana za projektovanje.



Prema EPA (Agencija za zaštitu životne sredine – Environmental Protection Agency), **opasnim otpadom se smatra svaka materija koja ima neku od sledećih osobina:** 1) Zapaljivost; 2) Korozivnost; 3) Toksičnost; 4) Reaktivnost, kao i ambalaža i drugi materijali koji su bili u dodiru sa opasnim otpadom.

SADRŽAJ OPASNOG KUĆNOG OTPADA

- **Automobilski proizvodi** (antifriz, akumulatori, kočiona tečnost, vosak za poliranje, odmašćivač, pogonska goriva, ulja i maziva, tečnosti za brisanje vetrobranskog stakla)
- **Proizvodi za unapređenje stanovanja** (ljepkovi na bazi rastvarača, sredstvo za čišćenje četki za crtanje na bazi rastvarača, boja za tkanine, uljane boje na bazi rastvarača, razređivač boja, boje i lakovi, lakovi za zaštitu drveta, sredstva za čišćenje u domaćinstvu);
- **Pesticidi** (prazna ambalaža, đubrivo sa pesticidima, sprej za biljne vaši, sredstvo za kontrolu gljivica, sredstvo za suzbijanje insekata, sredstvo za suzbijanje moljaca u obliku kuglica, otrovi protiv glodara, sredstvo protiv korova);
- **Kozmetički preparati** (parfemi i sredstva poslije brijanja, lak za kosu, lak za nokte, skidač laka za nokte)
- Razno (lijekovi, osvježivač zraka, municija, boja za umjetnike i hobi, baterije kućne (alkalne, niki-kadmijumove, litijumove), fabričke boje, vatromet, fotografske hemikalije, sredstva za održavanje bazena, jonizatori i detektori dima, živin termometar, elektronski i električni aparati i uređaji...)

Grafičko označavanje
opasnih tvari
prema Direktivi 67/548 EZZ

T+  VRLO OTROVNO Vrlo otrovna kemikalija	T  OTROVNO Otrovna kemikalija
Xn  ŠETNO Štetna kemikalija	C  NAGRIŽAJUĆE Nagrizajuća kemikalija
Xi  NADRAŽUJUĆE Nadražujuća kemikalija	E  EKSPLOZIVNO Eksplozivna kemikalija
O  OKSIDIRAJUĆE Oksidirajuća kemikalija	F+  VRLO LAKO ZAPALJIVO Vrlo lako zapaljiva kemikalija
F  LAKO ZAPALJIVO Lako zapaljiva kemikalija	N  OPASNO ZA OKOLIŠ Kemikalija opasna za okoliš



živjeti
okoliš



TEŠANJ -
SREDINA
EKOLOŠKE
SVIJEŠTI,
ČISTOĆE
I REDA

OZNAČAVANJE OPASNOG OTPADA

